

ISSN 2249-510X

A Peer Reviewed and Refereed Journal of

Kashmiri Literature and Language

Department of Kashmiri

University of Kashmir

محمد یوسف ٹینگ سُنْد تنقیدی شعور

شاد رمضان

تلخیص :

کاشتر ادبک تہ خصوصاً کاشتر شاعری ہند طالب علم آسنہ کنڑ پیوومیہ سہ سورے تنقید تہ تحقیق پرن یس عبدالاحد آزاد سُنْد پٹھ از تمام لکھنہ آمت چھ۔ کیشڑ ہاپنہ درسی مجبوری کنڑ تہ کیشڑ ہاپنہ سوخن فہمی ہند مار متہ۔ امی درسی مطالعن تہ سوخن فہمی ہندی ادراکن پھانپھلو ومیون تنقیدی شعور تہ میہ چھ شعر پرن تہ تگان تہ پر زناون تہ۔
کلیدی الفاظ: تنقید، تحقیق، پرکھاونچ، مغربی تنقید، جدید کاشتر شاعری

میہ چھ نہ ذاتی تمن کیشن کاشتر بن قلمکارن ستر اتفاق یم کاشتر تنقید کس خوش رفتار ارتقاہس نئی گرتھ کاشتر تنقیدس تہ کیشن بالغ نظر نقادن ہندس تنقیدی شعورس پٹھ سوال تلان چھ یا یم قلمکار مشرقی شعری رویا ایشن ہندس تناظرس منز پھانپھلیم کاشتر شاعری مغربی نقادن ہند ا نلہ منز پز پز ناونچ تہ پرکھاونچ بے جا کوشش کران چھ وونی تہ کاشتر سوال ز پرانہ تہ نو کاشتر شاعری

نے تہ جدید کاشتر شاعری پٹھ چھ مغربی تنقیدی پیمانہ واجب؟۔ کیاہ رحمن راہی سبتر ”صداء“ نظمہ
ہندس باوکھ کردار سندیہ احساس۔

”تڑیس چھکھ تہ سہ میون فریاد بوز“

غلام نبی فراق سبتر ”و پھ“ نظمہ ہندس کردار سندیہ اظہار :

”لوکھ ہم ہنگامہ و زناوان یمن پٹھ اسن آم“

یا امین کائل سندی غزل شعرس منز و تلن دول یہ فریاد یا احتجاج

”بے پتاہ خط چھ ڈاکھا نکو اس“

چھنا لل دید تہ غالب سندی نیمہ آدم و بد اکھک پوت آلو

”کہہ سکے کون یہ جلوگری کس کی ہے“

(غالب)



”کینہہ نتہ کینہہ نتہ کینہہ نتہ کیاہ“

(لل دید)

کاٹہہ تلمہ یہ سوال تہ زاعلی تہ آفاقی شاعری تہ چھا زمان و مکان کین سرحدن یا خانن منز با گرنہ
یوان۔ ہرگز نہ تہ تیلہ کیا زچھ اس کاشتر شاعری مغرب زد کرنس پتہ لگو متو۔ البتہ چھ پرانہ، نو تہ
جدید کاشتر شاعری ہنز زبان پنہ زمانہ کین لسائی تقاضن ہنز ترجمان تہ یہے زبان تہ زبانی ورتا وچھ
شاعری ہند بدؤن لچہ تہ روڈ یہ مقرر کران۔ اتھ پوت منطرس منز چھ
محمد یوسف ٹینگ سندی تنقیدی شعور اس تنھس دیدور نفادس ستو متعارف کرناوان یس مشرقی

شعریات کس منظر نامس منز کاثر شاعری ہند بن گنجین بر مژرتھ پرتھ سوخن شناس کاثرس پنہ
بختاو شعری روائتہ تمہ روائتہ ہند اعلیٰ تخلیقی کردار و بڑھناوتھ پنہ عظمگ احساس و زناوان تہ
و شناوان چھ۔ کاثر شاعری چھ مشرقی شعریاتک رس چوان چوان بالید سپدان روضہ تہ ٹینگ
چھ اتھ پزرس واقف آسنہ کنتمن اہم مشرقی زبان ہندس شعر سرامیس انڈی منز گڑھتھ کاثر
شاعری ہند بن گپت گوشن تام واتنگ جستجو کران تہ یو ہے جستجو چھ تسند تقیدی شعورک سہ ول تہ
وصف یس شاعرس، شعرس تہ شعر پرن و الس قارلیس پانہ و اذی سمکھاوان تہ اچھ رلاوتھ گفتگو
کرناوان چھ۔ تنقیدک بنیادی مقصد چھ یمن تریشونی اکھ ا کس ستر رشتہ جوڑن تہ رشتہ کس
تناظرس منز تم ساری ممکنہ حسن تہ قبح پرکھاوونی یمن رشتن درمیان پھبان پوٹھان چھ یا ووتلان
وولسان چھ۔ کانہہ ونہ ز شعرتہ شاعرس یا ونو تخلیق تہ تخلیق کار سندا باہمی رشتہ چھ
اُزم و ملزوم تہ یمن دون درمیان ماچھ قاری سندا عمل دخل غا ضروری تہ تیلہ ماچھ ٹینگ سندا تقیدی ول تہ وصف نا
لگہار بنان۔ دراصل گڑھ قاری تہ تخلیق کار سندا ے ہیو سوخن فہم تہ لفظ شناس آسن۔ تس تہ گڑھ شعر
روایتن ہند ادراک آسن یوت بذات خود تخلیق کار آسان چھ یا آسن گڑھ تیلی ہیکہ سہ لسائی
صورتہ ہند وسیلہ شعرس منز باونہ آمتس یا پھا پھلیمتس تجربس تام و اتھ وونی یس سوخن فہم تہ لفظ شناس
قارلیس لسائی باوتھ کاری ہند فن تہ معنوی امکاناتن ہند شعورتہ آسن۔ سہ گو وادبی اصطلاحس منز نقاد۔ محمد
یوسف ٹینگ سندا تقیدی شعورس چھ یمن تریشوے وصف بدس تہ کاثر شاعری پڑھ تسندک درجن واد
تقیدی مقالہ چھ کاثرس منز لکھنہ آمتر سنجید تقیدک اکھ تیتھ حاصل یس کاثر شاعری ہند جمال تہ جلال
پرزناونک اکھ اہم بلکہ بنیادی وسیلہ ثابت سپد۔ کاثر شاعری پڑھ عبدالاحد آزاد نہ تجزیاتی مطالعہ پتہ چھ
ٹینگ کاثر شاعری ہند گوڈینگ نقادیمو تعمیر [۱۹۵۷] رسالہ کس مہو نمبرس منز شاعری نسبت عام تجزیاتی

تبصر و نشہ ڈلتھ مجھو رنہ شاعری ہندی تڑے رنگ پر زنا و تھ سخن شناس کا شہن شعر پر بزنا ونگ تہ مولنا ونگ
تقدیدی جس بیدار کور۔

”ایک رنگ وہ ہے جب ہلکی پھلکی بحروں میں عام لوگوں کے جذبات کی سبک اور کبھی کبھی سطحی ہوتے
ہیں کی ترجمانی کی ہے۔ دوسرا رنگ وہ ہے جب عشق و راگ کے ذرا بلند سطح پر فنی نزاکتوں اور
جذباتوں کی زیادہ ٹھہراؤ کے ساتھ بیان کیے جاتے ہیں۔ اور تیسرا رنگ سیاسی شاعری کا ہے جس کے
تعارف کا تاریخی سہرا خود ان کے سر ہے“

تعمیر مجھو رنمبر

ٹینگ چھ گوڈنچہ لٹھ مجھو رس پنہن ہمال شاعر ن ستر تقابل کرتھ مولنا و نچ سنجید کوشش کران یس
تقدیدک ساروے کھوتہ کارآمدتہ طاقت و روصف چھ۔ تہند تقابلی تقدیدک یو ہے وصف چھ بروٹھہ
گن ٹینگ سند تقدیدی مطالعک پر زناؤن نشانہ بنان بلکہ تس کا شہر شاعری متعلق لکھنہ آمنتس کلہم
تقدیدی تو آرتخس منز منفرد، معتبر تہ ممتاز نقاد بناوان۔ تقابلی تقدیدک یہ
صحت مند طریقہ اوس تمہ ساعتہ کا شہر س منز مولے سادروارینیلہ ٹینگ ۱۹۶۷ منز نادم، کامل تہ راہی
ہنر شاعری ہند تقابل کرتھ کا شہر س ا کس نوس تقدیدی مزازس گن زاسن دوان چھ۔ امین کامل ہنر ”پنپہ سے
پان“ شعر سو مبرنہ ہندس اندس پٹھ تحریر کرنہ آمنتس ”پارک زان رنگن ہنر“ عنوانہ مقالس منز چھ کا شہر شاعری
ہنر شاعری قدرن ہندس تناظرس منز تہ و ہمہ صدی ہندس اردو شاعری ہندس فکری پوت منظرس منز یمن تڑہن
اہم کا شہر شاعر ن ہنر شاعری ہند تقابل کرتھ چھ ٹینگ گوڈنچہ لٹھ نادم، کامل تہ راہی ہنر شاعری ہنر تڑھ
عیان تہ پھیر ہا و خصوصیتہ بد کڈان یم از تام مستندتہ معتبر چھہ بلکہ بقول، شفیع شوق:
”ٹینگن یہ مضمون اوس بلاشک کا شہر تقدیدک اکھ اہم میلہ کز تہ امیک اثر روٹ تموساروے قلم کارو یوسانہ

عصری شاعری پٹھ اکھ یاپنہ بہانہ لیو کھ“

”باو تھ ۱۹۹۷“

از برو تھ ۵۳ وری یس تنقیدی تجزیہ محمد یوسف ٹینگ یمن تڑن ہم کال شاعر ن ہندس شعر اظہار س
تہ خاص کر تھ بہنر، شاعری ہندس پھیر ہا و خصوصیون متعلق پیش کران چھ از تام کورنہ کانسہ تہ با
شعور کاشری نقاد ن ٹینگ ہندس اتھ تنقیدی تجزیس واد یا اختلاف۔ بلکہ یمن تڑن شاعر ن ہنر
شاعری متعلق یس تہ تنقیدی بحث برو تھ کن آو، تھ اوس اکہ تہ پیکہ اعتبار ٹینگ ہندس مذکور تنقیدی
مطالعس ستر ہنر۔ توجہ طلب کتھ چھ یہ ز ٹینگ رو دینس نوجوانی ہندس نظر یہس پٹھ ۵۳ وری ن
اچھ رلا و تھ تہ کھور ٹھکرا و تھ قائم تہ یمن تڑ شو نی شاعر ن ہنر شاعری پٹھ رو دنو انمانہ تہ نویہ تنقیدی
ز او جار ن ہندس پوت منظر س تہ پُن گو ڈینگ نظریہ و سوار تہ مستحکم بناوان۔ یس تس ہندس بالغ
تنقیدی شعور ک ضامن چھ۔ ۵۳ وری برو تھ یمن تڑن ہم کال شاعر ن متعلق ٹینگ ہندس یمن
تنقیدی اظہار چھ از کس شعر شناس قاری ہندس با پتھ تہ معنہ پرور تہ لگہار۔

”بیلیہ فضہس و نہ مجور ستر مذکر کلا سکی آواز مانچھ راوان اُس، تھی و ز اوس تسنر مذکر آواز ہندس زیرو
بم ونان ز کاشر شاعری ہندس و چھس تل چھ اکھ بنیل پھانچھلان“

’رأ ہی ستر ن نظم ن منر چھ مطالعہ آ ورد۔ یہ
چھ نادس مقابلہ کاشر نظمہ زیاد متاثر کران تہ اتھ چھ پر تیتھ رچھان اتھ چھنہ کانہہ شک ز تسنر نظم
روز امکان تہ سمتن ہندس نبیب دنہ کس معاملس منر واریا ہس کالس کاشر شاعری ہنر ن اچھن ہندس
اشدس برابر۔“

”کاملنس کلامس منر چھ گو ڈنچہ لٹہ اسنگ سہ ز ہر یو رت انداز پاد گرشھان، یس موجود دور کس
شاعر سندا خاص رد عمل چھ یس ول کالس چھ اتھ آمت، سہ چھنہ بیہ کانسہ تہ کاشر شاعر نصیب

سپد مُت‘ -

ٹینگ سہند تنقیدی شعور ک ۵۳ ؤری بروٹھم یہ تقابلی مطالعہ چھ ازتہ سادرواریس مشترک تہ
اکھ اُکس ستر مختلف زمانچہ نہجہ زاننگ، تخلیقی تہ لسائی ول پر ہوناونگ تہ صنفن ہنز مؤضوعی موزونیت
مولناونگ اکھ کامیاب وسیلہ چہ۔ دون مختلف زبان ہند ہن ہمکال یا الگ الگ زبان ہند ہن
دون شاعر ہنز شعر تخلیقن یا اُکر سے شاعر سہند ہن دون تخلیقی فن پارن چھ ٹینگ تہ کنز تقابل
کران ز دون زبان ہنز شعر روایت، تہ روایتس منز پوشید شعری جمالیات، لسائی باوتھ
کاری، شعر ہند تخلیقی کردار تہ شعری تجربن ہنز مماثلت چہ دیدمان سپدان۔ مشرقی شعریات کس
پوت منظرس منز چھ کاشرن شعرن مقابلہ فارسی تہ اردو شعرن ہنز تندل لاگان۔ موجود زمانہ کبن
کیشون شاعر سان چھ رأ ہی تہ کائل سہند ہن درجن واد شعرن مرزا غالب تہ علامہ اقبال سہند ہن
شعرن ہند پوت آلوگزران تہ قد اوارصوفی شاعر ہند ہن شعرن ہنز وپوہنے کران کران فارسی
شعرن ہنز مثالہ دتھ دون شعر روایتون ہند فکری کیو جمالیاتی رشتہ بروٹھہ کن انان بلکہ گوڈنچہ لٹہ
کاٹھہ ژتھ رچھنہ ور اے ونان۔

”پانہ رأ ہی چھنہ غالب سہنز منقلہ نشہ و ہہ و ذی تیونگل ژارنس تہ کاشر شاعری نوی و شنیر پاد کرنس
منز کانسہ پتھ رو دمت“

”کاشر ادب تہ غالب“

..... امہ کنز چھ باسان ز غالب چھ تہند (کائل) ذہن کس دیوان خانس منز پور مضبوطی سان

کھوڑھکرا و تھ“

”کاشر ادب تہ غالب“

ٹینگ چھنہ ہنگہ منگہ کتھن گندان بلکہ مطالعہ تہ مشاہد کس بنیادس پٹھ ڈ لیل دتھ دعویٰ پیش کران۔ تنقیدی ول وصف کامہ لاگتہ شعر پرکھاؤن، تہذیبی تہ ثقافتی تو ا رتھس زول دتھ شعرس منز باونہ امتس تجربس نکھ و اتناوان تہ موضوعی موزونیت کس منظر نامس منز شاعر سہنہ تجلی آگہی تہ تخلیقی جوہرس پرن واکر ہندک پاپت تمن معنوی گنجین ہندک برو تھک تراوان، بیم شعر کس خار جی گرتس تہ دا خلی صورت حالس پس پرد آسن۔

’ رحمان ڈار نہ کلامک تناسب و چھتھ چھنہ
 یہ تہین مشکل زحارتھ لفظ یو تاہ تکر ورتو و مت
 چھ تیو تاہ چھنہ و ہمہ صدی ہندس ڈ سلا بس
 تام بیہ کانسہ کاشرس شاعرن ورتو و مت امہ علاو
 چھ تہند امہ لفظک ورتا و تیو تاہ Profound تہ
 معنی خیز میہ چھنہ بیہ کانسہ کاشرس شاعرس نشہ امہ
 لفظک و ہارتہ و ہرا بوزنہ یوان۔ البتہ چھ مرزا بیدلس
 نشہ حارت لفظک یو ہے تصور ’’دمیدانہ و بالید و آشیان
 گہہ شد‘‘ ہش کیفیت پیش کران‘‘

’ حارتن چھ رحمان‘

’ یہ سر سادہ تہ خواب ناکھ، تعجب خیز تہ ولولہ انگیز
 کیفیت ورتانہ خاطر چھ رحمان ڈار جام جمشید
 استعمال کران --- شش رنگ چھ امی پراسرار

سفر ک تو سین و ادنی۔ سہ تہ نہ صرف انفرادی نشان
تہ علامتزن منز بلکہ آفاقی تہ اجتماعی بیان تہ میزان پٹھ۔

”حارتن چھ رحمان“

کاشتر صوفی شاعری ہند مولل خزانہ چھ ٹینگ ہندس تنقیدی شعورس ووسنس انتھ امہ شاعری
ہندی تم ساری تخلیقی گون پرکھا ونچ کل کڈان ایم اعلیٰ تہ آفاقی شاعری ہندی پز زناون نشانہ چھ۔ کلہم
کاشتر شاعری ہندس تخلیقی کردارس سان چھ کنوہمہ تہ وہمہ صدی ہندس نمایند کاشتر صوفی شاعر
ہندس شاعری پٹھ ہندی تنقیدی مقالہ یا تجزیہ بازار آمتز تہ پرہتھ مقالہ چھ شاعر ہندس تخلیقی شعورس تہ
تخلیقی معیارس تام و اتنا و تھ سخن فہم قاریس شعرن ہنزن فنی تہ لسانی نزاکتزن ہند وسیلہ شعر تجربن
شریک بناوان تہ مشرقی شعریات کس پوت منظرس منز تم فنی خوبین تہ لسانی نزاکتزن، ثقافتی
قدرن، جمالیاتی انہارن ہند احساس تہ جذبہ و زناوان ایم شعر چہ دا خللی یا خار جی صورتز منز ٹا کار یا
پوشید چھ۔ نقاد ہنزا کامیابی تہ چھے بی زسہ گزہ پرن و ا لس تام تہ سورے و اتنا و تھ ہسکن یہ سہ پنے
تنقیدی زبانی منز باوان یا ہاوان یڑھان چھ۔ نقاد گزہ پانس تہ پرن و ا لس سان تخلیق کار ہندس
ذاتس تہ ذاتی زندگی لو ب تھ و تھ ہندس شعرن یا کلہم فن پارک حسن تہ فح زارن۔ یعنی تخلیق کار
ہندس ذاتس تہ ذاتی زندگی ہندس ا لس منز ہسکن نہ تہسز تخلیق پز زنا و تھ پرکھا و تھ، اتھ برعکس ہسکہ
کنہ فنہ پارک کلہم وجود پز زناوان پز زناوان تمہ کس تخلیق کار ہندس شبہہ گرن ممکن سپد تھ۔ کیثون
نقادن ہندیہ مان چھ بحث طلب زکنہ تہ تخلیقی فنہ پارس منز چھے تمہ کس تخلیق کار ہنزا شخصیت شامل
آسان۔ تیلہ کتھ حدس تام چھ ”شیش رنگ“، نظمہ منز رحمان ڈار ہنزا تہ ”دشنز یاہ گڑھو تھے“، نظمہ منز
شمس فقیر فی شخصیت شامل تہ غالب ہندس کلامس منز چھ تہسز ذاتی زندگی شامل حال۔ یہ بحث

چھنہ پینن ممکن تہ نہ چھ مناسب اما پوز سانہ نقید کہ حوالہ چھ غور طلب ضرور۔ ٹینگ چھنہ پنہ نقید تہ تحقیق کہ حوالہ شخص پرست بلکہ قومی وقارک عاشق۔ سہ چھنہ شعر تخلیق منز تخلیق کارس بحیثیت فرد ژہانڈان بلکہ فردس ستر وابستہ تہندس کلہم تہذیبی، تمدنی، تواریخی تہ ادبی میراثس وون دتھ پانس پنہ قومی وقارک تہ عظمتک بوش کھالان۔ یژھن جاین چھ بعضے ٹینگ مبالغس کام ہتھ کیژون عام کاشرن شعرن منز تہ غالب تہ حافظ ہون عظیم شاعرن ہندی پر تو ژہانڈان اما پوز اتھ مبالغس منز تہ چھ ژکہ تہند قومی عظمتک مارموت تہندس احساس جمالس تسکین بخشان تہ اچھو کھوریو ہاوان ہاوان زژ چھکھ اہنو گپت، آند وردھن، ل دید، شیخ العالم، شیخ یعقوب صرئی تہ غنی کاشمیری ہند خانوادک وارث در۔ ٹینگ چھ پر تہ نقیدی مقالس منز پنڈ کتھ یا پنڈ رائے پننس مطالعہ تہ مشاہد کس بنیادس پٹھ کھور ٹھکرا و تھ ونان۔ یژھن جاین ہبکہ ٹینگ صابس ستر اختلاف تہ آستھ تہ سہ اختلاف چھ نقیدک اکھ صحت مند اصول، اما پوز اختلاف کرنس گڑھ معقول تہ معتبر جواز آسن، یس داعوی بجایہ دلیل آسہ۔ کاشر صوفی شاعری متعلق ٹینگ ہندی بیاں چھ معنی پرور تہ غور طلب یمن نہ ۱۹۸۸ پٹھ از تام کائسہ کاشر نقادن ٹینگ ہندی پاٹھ کھور ٹھکرا و تھ جواب دیٹ۔۔۔ نہ اختلاف تہ نہ اتفاق۔

”.....سانہ صوفی شاعری منز چھ حسن تہ ہنرک یہ طلسمات تہ کرامات گرایہ، ماران۔ میہ چھ باسان زوونی چھ آس ذہنی طور تہتر بالغ سپدی متری ز آس کھوژونہ اتھ شاعری امہ کئی زیہ چھ نہ آزی کس فائشنس قریب یا نو پر کئی تمن ٹاسر بن میزان نکھ یمن اسہ پہہ انتھ ہنز رکی پاٹھ پننس ادبی مرازس ناگرترا و متری چھ“

”حسن چھ سانہ از کال چہ شاعری منز تہ۔ مگر یمن ورتہ اسواسانی کینہہ از کوشاعرو تادان چھ تہ

اکھ مصنوعی ابہام پاد کر نچ کوشش کران چھ تھ ہتھ ہیکو آسانی سان حافظ شرازی سند یہ مصرعہ
چسپان کرتھ

آں را کہ خواندی استاد گری بہ تحقیق
صنعت گریست اما طبع رواں نہ دارد

”میے چھ باسان زاسہ گری ستر مہ صدی منز یوسہ گکار تہ غلامی ہنز صدی اسی و ہمہ صدی ہندی
کھوتہ ژری بڈی شاعر پاد۔ میے چھ نہ ہتھ کتھ منز کا نہہ شک زبہ نہ کالگ نقاد کرتھ دعوا ہس میے
ستر اتفاق.....“

”کاشر صوفی شاعری۔ بیا کھ نظر کون“

از کال چہ کاشر شاعری مقابلہ کاشر صوفی شاعری ہند اعلیٰ تخلیقی وصف، تجرباتی امکان ہنز
وسعت تہ شعر زبانی ہند ورتاون ول گزرا و تھ چھ ٹینگ ہندی ترے تنقیدی بیان توجہ طلب۔ اکھ یہ
ز ازیچ کاشر شاعری چھینے پننس ادبی مزاس مخالف ووپرن ٹاسر ہن میزان ہند فاشنی لباس
لاگتھ۔ دویم یہ زاز کالکو کینہہ کاشر شاعر چھ مصنوعی ابہام ورتا و تھ شاعری مشکل پسند بناونچ
کوشش کران۔ تر تیم یہ زو ہمہ صدی مقابلہ چھ کنو ہمہ صدی ہنز شاعری زیاد زرخیز تہ کنو ہمہ
صدی منز گیبہ و ہمہ صدی کھوتہ زیاد بڈی شاعر پاد۔ از کال چہ کلہم کاشر شاعری ہندس تخلیقی کردارس
متعلق ہیکہ نہ کانسہ تہ شعر فہم تہ سخن شناس قاریس یا نقادس ٹینگ ہندس گوڈیکس بیان ستر اتفاق
استھ، تکیا زاز کالچ بیشتر نے تہ واریاہ کاشر شاعری چھینے ووپرن ٹاسر ہن میزان بجالیہ آفاتی شعر
معیارن ہند اعلیٰ تخلیقی اظہار، ہتھ پس پرد کر بناک انسانی صورت حالگ اڈو ودا کھ چھ۔ امہ
قبیلہ چہ شاعری متعلق چھ پوتس پہن ٹینگ تہ پنن تنقیدی مقالن منز امہ پزوک اعتراف کران

- بلکہ چھ ”سیاہ رُوِ جِرن“ ناوشعر سو مبرنہ متعلق ونان ز تخلیقی معیار اعتبار ہسکون اُسر یہ شعر سو مبرن ہندستانی زبان سان عالمی سو تھرس پٹھ پیش کرتھ۔ امہ معیار چہ شاعری متعلق چھ ٹینگس علاو باقی کینژن سنجید تنقید نگارن ہند بن کینژن تنقیدی مقالن منز تہ بحث سپد مت تہ امیک اعلی تخلیقی معیار تسلیم کرنہ آمت۔ خبر شفیع شوق کمہ شاعری ہنز کتھ چھ تیلہ کران یوسہ از تام کا شرن پرن والبن تسلیم چھنہ۔ کنہ یہ چھینے سوے شاعری یوسہ بقول ٹینگ دو پر میزان ہونز رک پاٹھ کر ناکر تر اوتھ سانہ مزاز ڈلتھ چھ۔ بقول شوق:

”سائنس تنقیدس منز چھ تنھ شاعری تھو درجہ یوسہ پتر مو ہتہ وادو رک یو پٹھ کینژن مخصوص موضوعی نوکتن اُنڈر اُنڈر گتھ دوان آہو چھ۔ پزس دنیا س منز اُکس پزس زند فرد سبز صبح پٹھ شا م تام بدلونن صورت حالن یوسہ شاعری پیش کران چھ سو شاعری چھ وُنہ تہ سانہ زبانی منز تسلیم سپد نے“

”زبان تہ باوتھ“

ٹینگ سٹنڈس دویمس بیانس ستر ہیکہ نہ کانسین فہم قاریس اختلاف اُستھ ہکلیاز 1960 یوریکن رُوِ در واریاہ کا شری شاعر جدیدیت کس تصورس تحت فاشن کس حدس تام شاعری منز مصنوعی ابہام ورتاوتھ پانس پانے جدید حسب آگہی ہند شاعر وُنہ پرن و اُلس سان پانس تہ بزم دوان۔ یہ شاعری چھ تجربہ بجایہ بوز مژن کتھن ہنز منظوم یا نثری اظہار۔ ٹینگ سٹنڈس ترییمس بیانس ستر ہیکہ نہ شایدینہ و اُلس نقادس کیو از کال کس کانسہ تہ سنجید شعر شناس قاریس انکار یا اختلاف اُستھ ز وہمہ صدی ہند کھوتہ گری کنوہمہ صدی ژری پہن بڈر شاعر پاد۔ اما پوزیتھ پزرس تہ چھ نہ انکار ز گرنز کز کمی سہی مگر وہمہ صدی گری اعلی تخلیقی معیار اعتبار کینہہ تنھ قیدوار شاعر پادیمو نو زمانہ کین

نویسنہ عالمی تقاضن ہندس تناظرس مثر کاشر شاعری گشاہ بلہم بناؤ۔

محمد یوسف ٹینگ چھ کاشر شاعری ہند جو ہر شناس یس شعر سدرس زول دتھ لعل پزناونک
طلبگار چھ۔ رسول میر، مجور تہ مقبول شاہ کراہ، واری سزنا شاعرانہ خصوصین کن ہر گاہ گونچہ لٹہ
عبدالاحد آزادن پرن والبن ہند توجہ پھیر اما پوز یمن ترہن رومان پرور لولہ شاعرن ہنز شاعری
ہندس تفصیلی مطالعس دوران چھ ٹینگ بہتر تخلیقی آگہی، تخلیقی کمالس، لسانی شعورس تہ تمدنی پوت
منظرس وون دتھ تہ بہند ہن ہمکال زمان ہند ہن ورن واری داتن تہ خوش نما تر این گز این ہندس
تناظرس تحت بہتر الگ الگ شاعرانہ شخصیت تعمیر کران۔ یمن تریشونی شاعرن ہنز شاعری نسبت
ٹینگ سندو تجزیہ چھ از تام کس کلہم کاشرس تنقیدس مثر سرتا، بے جور تہ معتبر۔ رسول میر تہ مجور سزنا
شاعری اوس عوامی سوتھرس پٹھ کافی مقبول تہ مقبول سزنا گلریز اوس بیشتر کاشرن گرن مثر بوزنہ
پرنہ یوان تہ ٹینگ سندو قلمن واتنا و بہتر شاعری ادبی حلقن تہ مجلسن ہندس تنقیدی نحس تمام
۔ رسول میرن تخلیقی شعور تہ لسانی بوزشوز تہ فارسی شاعری تہ شعر رواجی ایزن ستر تسدر شتہ تہ تمہ رشتنگ
استفادہ تہ ورتا و آوتنقیدی کہوچہ پٹھ کھال تہ عالمانہ سوتھرس پٹھ ابا سونہ، پرکھا و تہ مولنا و تہ۔ رسول
میر نبن شعرن مثر فارسی لفظن، ترکیبن تہ اصطلاحن ہند تخلیقی ورتا و چھ ٹینگ سندو تنقیدی قلمن
شعرن ہند تخلیقی قوت، معنوی تہداری تہ لسانی حسن گزرتھ ثابت کو رمت ز لفظن ہند انتخاب تہ
ورتا و ول چھ شاعر سزنا بانی دانی تہ تخلیقی ہونر ہند گواہ بنتھ شعرس پاسل معنوی امکان عطا کرتھ
آفاقیت بخشان۔ مشرقی شعر رواجی ایزن ستر پٹن شاعرانہ وجود جوڑن، پنبن ہمکال شاعرن مثر امتیاز
پراون تہ کاشر شاعری اکھ نوو مراز، نوو لہجہ تہ نوو آہنگ عطا کرنہ باپت اوس
رسول میر نس تخلیس تہ تخلیقی پروازس یہ عمل ناگزیر تہ بقول ٹینگ یہ عمل اوس کاشر شاعری لکہ مراز مثر

کڈتھ ہنرمندی تہ مرصع سازی ہند بن سو تھر بن پٹھ و اتناؤنی۔ مہورنہ شاعری پٹھ سپد کاشرس
 تنقیدس منز واریاہ بحث تہ اردوتہ کاشری مہورنہ آہ شالچ کرنہ اما پوز ٹینگ سہنر مہور شناسی چھے مہورنہ
 شاعرانہ شخصیتگ اہ۔ تہند بن ہمکال شاعرن منز مہور سہنر شاعرانہ شخصیت تعمیر کرتھ ہنو ٹینگ ہندی
 تنقیدی قلمن مہور قومی شاعر تہ کاشری کورنہ اُف۔ اتھ پزرس چھنہ انکار ز مہور چھہ کینہ و شاعرانہ
 کوتاہیو باوجود آزادس مقابلہ بوڈ شاعر
 (کشمیری شاعری اور زبان او کطرف تر اوتھ) اما پوز ٹینگ چھہ اتھ پزرس گو ڈنچہ لہ کہوچہ کھالٹھ
 پرن والبن بروٹھہ کنہ تراوان تہ آزادس مقابلہ مہورنہ شاعری ہندی تخلیقی پاس گاشراوان تہ بقول رسول
 میر آسہ کس تاب جواب۔

مقبول شاہ کراہہ و اُرڈ سہنر گلریز مثنوی متعلق پننس ”گلریز ترجمہ کنہ تخلیق“ مضمونس منز چھہ
 ٹینگ فقط مقبول سہنر شاعرانہ صلا حیون و حاٹ کرتھ محض گلریز مثنوی ہندی تخلیقی حُسن نچھناوان بلکہ
 پرن والبن اعلیٰ شاعری ہندی خد و حال ہاوتھ ہاوتھ پنہ تنقیدی بصیرتگ نیب دتھ ا کس تنھس حسبہ
 بیدار سخن فہم نقادس ستر ملاقات کرناوان یس مشرقی زبان ہنر شاعر ریو ایشن ہندی تقابلی مطالعہ تہ چھہ
 تہ تقابلس دوران شعر پز زناونگ تہ مولناونگ ادراک تہ بدس چھہ۔ امہ اعتبار چھہ گلریز مثنوی پٹھ
 لکھنہ اُمت مذکور مقالہ از تام کاہم کاشرس تنقیدس منز معتبر تہ لا جواب۔ میہ چھہ ذاتی طور تمن
 ا کس دون نقادن ہندس ہتھ بیانس ستر اتفاق ز یمن تر بن شاعرن ہندس انتخابس پتہ کنہ چھہ
 ٹینگ سہنر حُسن شناسی تہ حُسن پرستی ہندی روہہ کار فرما۔ ہتھ پزرس چھہ انکار ز یمن تریشونی شاعرن
 ہنر شاعری ہندی مرکزی محور چھہ نسوانی حُسن تہ لول تہ ٹینگ تہ چھہ کنہ وز یمن دون درمیان میل
 پراون ول اشتیاق ز پٹھ حظ ثلان تہ پنہ مخصوص زبانی منز تمہ لذتگ اظہار کران۔ اما پوز امہ قبیلہ چہ

شاعری پڑھ بحت کران چھٹے ٹینگ امہ کین نسوانی جبلتون پنٹن موضوع بناوان بلکہ امہ کین تخلیقی جہون ہندی بروٹھک تراوتھ امیگ شاعرانہ حسن وولساوان۔ پرانہ، نو تہ جدید کاشر شاعری ہندی ہن نمائند شاعران ہندس انتخابس پتہ کنہ اوس ٹینگ ہندس قلمس کاشر زبانی ہنز مستند شعر روایت تہ تمہ روایت ہندی ہن اہم پڑاون ہندی تخلیقی گنجینہ پڑناونگ تہ سنجیدہ پرن والہن تام ہیہند مول مرتبہ واتناونگ شوق کارفرما۔ یہ شوق اوس نہ کائہہ شغل بلکہ کاشر زبانی تہ امہ کس بختاوارادی خزانس ستر عشق۔ مگر اتھ عشقس اوس ٹینگ ہنز علمی، تحقیقی تہ تنقیدی بصیرت ڈکس، ہیمیک مؤتم ساری تنقیدی مقالہ چھ یم تلاش، راش، شیش رنگ تہ کاشر کتاب عنوانہ کتابن مژ شامل چھ۔

کینون لوکن چھ ٹینگ ہنز تنقیدی زبانی پڑھ اعتراض زسہ چھ تخلیقی زبان ورتاوتھ نثرس مژ شاعری کران۔ اما پوزمن پزیہ پزرتہ زان زیس تنقیدی رویہ ۲۱-۲۲ وریہ وانسہ مژ ٹینگ ہندی قلمن پاننوو، سہ رودیٹھن ورین دوران زندگی تہ زمانکین بدلونن تقاضن ہند شیر چتھ تہ ازتام پنٹن تنھک مخصوص تنقیدی رویس پڑھ مستحکم۔ شیٹھن وریہن ہندس زٹھس سفرس دوران پنٹن مخصوص تنقیدی راین، مخصوص تنقیدی نظریہس تہ رولیس پڑھ قائم تہ مستحکم روزن چھ ٹینگ ہندی بصیرتگ تہ دانشورانہ شعورک تہ تنقیدی آگہی ہند گواہ۔ ٹینگ ہنز مخصوص تنقیدی زبان تہ روضیٹھن ورین تہندس مخصوص تنقیدی رولیس ہمراہ پکان پکان پرن والہن ہنز سند پراوان تہ یہے سند چھ ادبی حلقن مژ ٹینگ ہنز تنقیدی زبانی ہنز قبولیت زادارن تہ فردن چھ ٹینگ نمبر شایع کرنچ کل گنان۔ کاشر زبانی ہند یس مشترکہ لفظ راش کاشر ہن بدس چھ، ٹینگ چھ تمہ لفظ راش مژ حسب ضرورت خوبصورت لفظن، ترکیبن تہ گنہ گنہ محاورن ہند انتخاب کرتھ پنہ تنقیدی زبانی معنیہ پرورلسانی صورت دوان تہ بقول شفیع شوق ”شاعری چھ پانہ خوبصورت تہ اتھ متعلق بحت تہ گنہ خوبصورت زبانی مژ آسن

“- بیا کہ توجہ طلب پز چھ یہ ز ٹینگ سبز زبان کتب چھے کا شری زبانی ہند مشترکہ لفظ راشہ تہ محاوراتی نظامہ نشہ بیون تہ بدون تہ یہ کتھ چھ اسی ساری زانان ز شاعری ہند تنقیدی چھ شعر پر ن و ا لس قاری سندی باپتھ وجودس تاکہ شعر کتب ن پاسل معنوی پاسن ہنز آ گہی پرا و تھ سپدسہ زیادے پہن محظوظ۔ شعر پر ن و ا لس قاریس باپتھ تہ چھ بنیادی شرط زسہ گرشہ شاعر سندی پاٹھو کتھن واٹن وول تہ لسانی زانی کارا سن تہ امہ قبیلہ کس حساس قاریس بینلہ شمس فقیر ن:

گنرس منز تر و نم رونہ منز و لے شرونی شرونی بوزان ژاس تہ رحمن ڈارن:

”زلہ و نہ و مرے پاڑ پر پھٹو موتمہ داد چھس نوبلان“ یار حمن را ہی سند: ”حافظ ہند ہٹہ یزید سبز کر کیکہ بوزن والیا۔ میون فریاد بوز“ ہوو شعر اظہار فکر ترن یا یہ ہند بن معنوی امکانات تہ تجربن تام و اتنگ طلب تہ تریش آسہ ہس کیا ز تر نہ ٹینگ سبز تنقیدی زبان فکر۔ تہ کرتھ تہ و چھو ز ٹینگ سبز تنقیدی زبان کتب چھے کا شری شاعری ہندس عام طالب علم ہند باپت اجنبی زبان بنان۔

”مقبول شاہن چھ سماجی قدرن ہند یہ احترام سار نے جاین نظر تل تھو و مت تہ حسن کاری ہند بن تقاضن کھے لاگنہ وراے چھ تکر بڈ جان تہ زبر اندازس منز یمن قدرن ہند دامن رو چھ مت۔ میہ چھ باسان ز مقبول نہ مقبولیت اکھ سبب چھ بیہ تہ ز تکر چھ پنہن ہم وطن ہند جمالیاتی احساس تہنزن سماجی قدرن ستو ہم آہنگ کو رمت تہ مر ن وول چھ لولہ سینتار کو نغمہ پنہن سماجی ذمہ و آر د بن پٹھ حرف زنی بغار ہرکان بوز تھ۔“

گلریز ترجمہ کنہ تخلیق

”للہ ہنز انفرادیت چھے تکر سبز شخصیت منز کو ہند منز تا و لگتھ دراہو۔ اچ تہداری، معنی خیزی تہ آفرینی چھے ہند اسلوب ساروے کھوتہ اہم پز زنتھ۔ للہ ہند اسلوب تہ اعجاز چھ یہ ز سو چھے نبض و چھ و چھ تمن منز شاعرانہ تھتھرا این ہندسہ پار دبران زیم چھ و پھلیمز و انجہ ہندری پاٹھو ڈب ڈب کران

میں نے چھٹنے تہ سندس روحانی کمالس متعلق کیشہ ون، البتہ اتھ چھٹنے کاٹھہ شک ز سو چھے کاٹھر لفظ
وترج تہ آوازن ہٹز بڈر بار مزاج دان۔

کاٹھر ادبک نار ٹز کھرل دید

محمد یوسف ٹینگ سٹرن تنقیدی راین ستر ہیکہ کنہ کنہ اختلاف تہ آستھ تہ آسن تہ گڑھ۔ نے چھ
ذاتی طور تہ پنن تنقیدی مقالن مٹز کنہ کنہ یمن ستر اختلاف تہ کورمت اما پوز سنجید قارلس چھٹنے
تہ سندس علمی بصیرتس تہ تنقیدی شعورس تھد ہٹہ واہ کر تھ مرز انالاب سٹدیہ شعہ مصرعہ یاد
پتھ داد دس چارے روزان

میں نے یہ جانا کہ گویا یہ بھی میرے دل میں ہیں

کتا بیات:

ٹینگ، محمد یوسف۔ (1988)۔ تلاش، کلچرل اکیڈمی، سرینگر

شش رنگ۔ محمد یوسف ٹینگ۔ ۱۹۸۲ء